



UNDANG-UNDANG MALAYSIA

Akta A206

AKTA PERLEMBAGAAN (PINDAAN) (No. 2), 1973

UNDANG-UNDANG MALAYSIA

Akta A206

AKTA PERLEMBAGAAN (PINDAAN) (No. 2), 1973

Suatu Akta bagi meminda Perlembagaan Persekutuan untuk membuat peruntukan-peruntukan bagi penubuhan Wilayah Persekutuan, bagi penguntukan ahli-ahli Dewan Rakyat mengikut Negeri-negeri dan bagi perkara-perkara yang berkaitan dengannya.

[Bahagian I dan Jadual—
1hb Februari, 1974;
Bahagian II dan III—
.]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. (1) Akta ini bolehlah dinamakan Akta Perlembagaan (Pindaan) (No. 2), 1973 dan hendaklah mula berkuatkuasa sebagaimana yang diperuntukkan dalam seksyen-kecil (2) dan (3). Tajuk ringkas dan mula berkuatkuasa.

(2) Kecuali mengenai Bahagian I dan Jadual, Akta ini hendaklah mula berkuatkuasa pada tarikh Akta ini disiarkan dalam *Warta*.

(3) Bahagian I dan Jadual hendaklah mula berkuatkuasa pada 1 haribulan Februari, 1974.

BAHAGIAN I

WILAYAH PERSEKUTUAN

2. (1) Sempadan-sempadan bagi Negeri Selangor adalah dengan ini diubah dengan dikeluarkan darinya Wilayah Persekutuan yang diperihalkan di bawah ini. Perubahan sempadan-sempadan bagi Negeri Selangor dan perwujudan Wilayah Persekutuan.

(2) Wilayah Persekutuan ini hendaklah terdiri daripada kawasan-kawasan yang ditunjukkan dalam plan yang

didepositkan yang dikenali dengan rujukan Plan *Warta* No. 383 iaitu plan—

(a) yang diperakui oleh Ketua Jurukur Selangor sebagai suatu plan yang benar dan betul bagi kawasan-kawasan itu; dan

(b) yang bertarikh dan didepositkan di pejabat Ketua Jurukur Selangor.

Terkeluar-
nya Wilayah
Persekutuan
dari
Selangor
dan
pelepasan
kuasa-kuasa,
dsb. oleh
Selangor.

3. Wilayah Persekutuan itu hendaklah berhenti daripada menjadi sebahagian daripada Negeri Selangor dan Raja bagi Negeri Selangor hendaklah melepaskan dan berhenti daripada menjalankan apa-apa kedaulatan ke atas Wilayah Persekutuan itu dan segala kuasa dan bidangkuasa Raja dan Dewan Negeri bagi Negeri Selangor dalam atau berkenaan dengan Wilayah Persekutuan itu hendaklah berakhir.

Bidangkuasa
ke atas
Wilayah
Persekutuan.

4. Persekutuan hendaklah menjalankan kedaulatan ke atas Wilayah Persekutuan itu dan segala kuasa dan bidangkuasa dalam atau berkenaan dengan Wilayah Persekutuan itu hendaklah terletak pada Persekutuan.

Perletak-
an tanah-
tanah di
dalam
Wilayah
Persekutuan.

5. (1) Seluruh kepunyaan dan kawalan mengenai semua tanah dalam Wilayah Persekutuan itu yang sebelum sahaja mula berkuatkuasanya Akta ini telah terletak pada Negeri Selangor dan segala galian dan bahan batu di dalam atau di atas mana-mana tanah di dalam Wilayah Persekutuan itu yang hak-hak terhadapnya belum lagi dilepaskan secara tertentu hendaklah, apabila mula berkuatkuasanya Akta ini, tanpa apa-apa pindahmilik atau pindahhak, diletakkan semata-mata pada Persekutuan dan boleh dilepaskan atau dibuat apa-apa urusan mengenai-nya mengikut peruntukan-peruntukan Kanun Tanah Negara, Enakmen Lombong, Enakmen Hutan dan segala atau apa-apa undang-undang yang meminda atau meman- suhkan Kanun yang tersebut itu atau Enakmen-enakmen yang tersebut itu.

(2) Segala sebutan mengenai Negeri atau Pihakberkuasa Negeri yang terdapat dalam undang-undang yang tersebut dalam seksyen-kecil (1) hendaklah, berkenaan dengan Wilayah Persekutuan itu, ditafsirkan sebagai sebutan mengenai Kerajaan Persekutuan.

(3) Peruntukan-peruntukan Kanun Tanah Negara, Enakmen Lombong, Enakmen Hutan dan kaedah-kaedah yang dibuat di bawahnya hendaklah, dalam pemakaiannya berkenaan dengan Wilayah Persekutuan itu, berkuatkuasa tertakluk kepada seksyen ini dan kepada apa-apa ubah-suaian sebagaimana yang ditentukan dari semasa ke semasa dalam suatu Perintah yang dibuat oleh Yang di-Pertuan Agong.

(4) Segala harta dan kepentingan mengenai apa-apa tanah, hak lombong dan hak hutan di dalam Wilayah Persekutuan yang dipegang dari Negeri Selangor oleh mana-mana orang sebelum sahaja mula berkuatkuasanya Akta ini hendaklah dipegang seterusnya dari Kerajaan Persekutuan mengikut had-had dan syarat-syarat sama seperti ianya telah dipegang dari Negeri itu.

6. (1) Tanpa menyentuh peruntukan-peruntukan seksyen 5 dan tertakluk kepada peruntukan-peruntukan yang berikut dalam seksyen ini, ~~undang-undang Negeri~~ yang sedia ada dan berkuatkuasa di dalam Wilayah Persekutuan itu hendaklah berkuatkuasa seterusnya di dalamnya sehingga dimansuhkan, dipinda atau digantikan dengan undang-undang yang diluluskan oleh Parlimen.

Undang-undang Negeri yang sedia ada di dalam Wilayah Persekutuan.

mana-mana undang-undang bertulis
Cat A 33/76

(2) Jika apa-apa kuasa atau tugas adalah diletakhak pada Raja Negeri Selangor atau pada mana-mana pihakberkuasa bagi Negeri itu oleh mana-mana undang-undang yang berkuatkuasa di dalam Wilayah Persekutuan itu, maka kuasa atau tugas itu berhubung dengan Wilayah Persekutuan itu hendaklah diletakhak pada dan dijalankan atau dilaksanakan oleh Yang di-Pertuan Agong atau Menteri yang bertanggungjawab bagi Wilayah Persekutuan itu atau oleh mana-mana orang atau pihakberkuasa lain sebagaimana yang diarahkan dengan perintah oleh Yang di-Pertuan Agong:

Dengan syarat bahawa Yang di-Pertuan Agong boleh mengarahkan dengan persetujuan Pihakberkuasa Negeri dengan perintah bahawa mana-mana kuasa atau tugas itu boleh dijalankan atau dilaksanakan bagi pihak Kerajaan Persekutuan oleh pihakberkuasa bagi Negeri yang padanya kuasa atau tugas itu telah diletakhak dahulunya; dan semasa arahan itu masih berkuatkuasa pihakberkuasa bagi Negeri itu hendaklah, berkenaan dengan perjalanan dan

pelaksanaan kuasa atau tugas itu, disifatkan sebagai suatu pihakberkuasa bagi Kerajaan Persekutuan.

(3) Undang-undang-kecil yang sedia ada dan berkuatkuasa dalam mana-mana kawasan pihakberkuasa tempatan atau mana-mana bahagian daripadanya yang menjadi sebahagian daripada Wilayah Persekutuan itu selepas lulusnya Akta ini hendaklah berkuatkuasa seterusnya tertakluk kepada seksyen ini.

(4) Yang di-Pertuan Agong boleh, apabila jua didapati oleh Yang di-Pertuan Agong perlu atau mustahak berbuat sedemikian samada bagi maksud menghapuskan kesulitan-kesulitan atau oleh sebab lulusnya Akta ini, dengan perintah membuat apa-apa ubahsuaian sebagaimana yang difikirkan patut oleh Yang di-Pertuan Agong kepada mana-mana peruntukan dalam mana-mana undang-undang yang sedia ada.

(5) Dalam seksyen-kecil (4), perbahaasan "undang-undang yang sedia ada" ertinya undang-undang persekutuan atau Negeri dan termasuklah apa-apa perundangan kecil yang dibuat di bawahnya.

Bahagian-
bahagian
Pilihanraya.

7. (1) Apabila mula berkuatkuasanya Akta ini, bahagian-bahagian pilihanraya Negeri di dalam Wilayah Persekutuan itu hendaklah berakhir; bagaimanapun dengan syarat bahawa sehingga Dewan Negeri bagi Negeri Selangor dibubarkan pada kali yang pertama selepas lulusnya Akta ini, ahli-ahli bagi Dewan Negeri tersebut itu yang dipilih dari bahagian-bahagian pilihanraya tersebut itu adalah masih lagi menjadi ahli-ahli Dewan Negeri yang tersebut itu walaupun bahagian-bahagian pilihanraya itu dihapuskan.

(2) Sehingga Parlimen dibubarkan pada kali yang pertama selepas lulusnya Akta ini, bahagian-bahagian pilihanraya persekutuan di dalam Wilayah Persekutuan itu dan Negeri Selangor hendaklah masih lagi wujud dan begitu juga ahli-ahli yang dipilih dari bahagian-bahagian pilihanraya tersebut itu adalah masih lagi menjadi ahli-ahli Parlimen.

8. Wilayah Persekutuan itu hendaklah ditadbirkan mengikut Akta Ibu Kota Persekutuan, 1960 sebagaimana dipinda dari semasa ke semasa oleh Parlimen :

Kecualian
dan kuat-
kuasa
Akta 35
tahun 1960.

Dengan syarat bahawa kawasan Perbandaran Kuala Lumpur hendaklah diperluaskan mengikut cara yang dinyatakan dalam perintah oleh Yang di-Pertuan Agong di bawah seksyen 15 (2) Akta Ibu Kota Persekutuan, 1960 itu :

Dengan syarat selanjutnya bahawa walau apa-apa jua dalam Akta Ibu Kota Persekutuan, 1960, Yang di-Pertuan Agong hendaklah melantik dua orang yang dinamakan oleh Raja bagi Negeri Selangor untuk menjadi ahli-ahli Lembaga Penasihat di bawah seksyen 6 Akta itu, atau di bawah mana-mana undang-undang lain yang menggantikan Akta itu.

9. (1) Segala hak, tanggungan dan kewajipan berhubung dengan apa-apa perkara yang sebelum sahaja mula berkuatkuasanya Akta ini telah menjadi tanggungjawab Kerajaan Negeri Selangor tetapi yang pada hari itu menjadi tanggungjawab Kerajaan Persekutuan, hendaklah pada hari itu berpindah kepada Persekutuan, melainkan jika selainnya dipersetujui antara Kerajaan Persekutuan dengan Kerajaan Negeri itu.

Pewarisan
hak,
tanggungan
dan
kewajipan.

(2) Jika apa-apa wang yang dikehendaki dibayar menurut apa-apa tanggungan atau kewajipan sebagaimana yang disebutkan dalam seksyen-kecil (1) telah sebelum sahaja mula berkuatkuasanya Akta ini dipertanggungkan kepada Kumpulanwang Disatukan bagi Negeri Selangor, maka, setakat mana tanggungan atau kewajipan itu berpindah kepada Persekutuan pada hari itu, wang-wang yang dikehendaki bagi membayarnya hendaklah menjadi suatu pertanggungan kepada Kumpulanwang Disatukan bagi Persekutuan, tetapi setakat mana tanggungan atau kewajipan itu masih lagi menjadi tanggungjawab Negeri Selangor wang itu hendaklah masih lagi dipertanggungkan kepada Kumpulanwang Disatukan bagi Negeri itu.

(3) Peguam Negara hendaklah atas permintaan mana-mana pihak yang ada kepentingan dalam apa-apa pembicaraan undang-undang, lain daripada pembicaraan antara Persekutuan dengan Negeri Selangor, memperakui samada, menurut seksyen ini, apa-apa hak, tanggungan atau kewajipan adalah suatu hak, tanggungan atau kewajipan bagi Persekutuan atau Negeri itu; dan sesuatu perakuan itu

adalah bagi maksud-maksud pembicaraan itu muktamad dan mengikati semua mahkamah, tetapi perakuan itu tidaklah berkuatkuasa menyentuh hak-hak dan kewajipan-kewajipan Persekutuan dan Negeri itu di antara sesamanya sendiri.

Pewarisan
pembicaraan
sivil.

10. (1) Dalam apa-apa pembicaraan undang-undang berhubung dengan perkara-perkara sivil yang belum selesai pada mula berkuatkuasanya Akta ini maka hendaklah digantikan satu pihak dengan satu pihak lain sebagaimana yang perlu memandangkan kepada apa-apa pemindahan pada hari itu mengenai bidangkuasa atau kuasa pemerintah atau kepada apa-apa pemindahan di bawah Akta ini mengenai hak, tanggungan atau kewajipan.

(2) Apa-apa rayuan yang dibawa pada atau selepas mula berkuatkuasanya Akta ini terhadap sesuatu keputusan yang diberi dalam sesuatu pembicaraan undang-undang sebelum hari itu boleh dibawa oleh atau terhadap pihak yang, menurut seksyen-kecil (1), sepatutnya menjadi pihak merayu atau pihak menjawab jika pembicaraan itu diteruskan selepas hari itu, tetapi jika rayuan itu tidak dibawa sedemikian, seksyen-kecil (1) hendaklah dipakai baginya sebagaimana ianya dipakai bagi pembicaraan-pembicaraan yang belum selesai pada hari itu.

(3) Seksyen-kecil (2) hendaklah dipakai dengan ubah-suaian-ubahsuaian yang perlu bagi pembicaraan-pembicaraan untuk mendapatkan kebenaran merayu sebagaimana ianya dipakai bagi sesuatu rayuan.

(4) Peguam Negara hendaklah, atas permintaan sesuatu pihak dalam sesuatu pembicaraan, memperakui samada apa-apa, dan jika ada apakah, penggantian mengenai satu pihak dengan satu pihak yang lain hendak dibuat menurut seksyen-seksyen-kecil (1) hingga (3) dalam pembicaraan itu atau bagi maksud sesuatu rayuan yang berbangkit daripadanya; dan sesuatu perakuan itu adalah bagi maksud-maksud pembicaraan itu atau sesuatu rayuan itu muktamad dan mengikati semua mahkamah, tetapi perakuan itu tidaklah berkuatkuasa menyentuh hak-hak dan kewajipan-kewajipan Persekutuan dan Negeri itu di antara sesamanya sendiri.

Pindaan-
pindaan
berbangkit
kepada
Perlem-
bagaan.

11. Pindaan-pindaan yang dinyatakan dalam Jadual kepada Akta ini berhubung dengan Wilayah Persekutuan hendaklah berkuatkuasa.

BAHAGIAN II

AHLI-AHLI DEWAN RAKYAT

12. Perlembagaan adalah dengan ini dipinda dengan menggantikan Perkara 46 dengan Perkara baharu 46 yang berikut—

Pindaan bagi Perkara 46.

“Keanggotaan Dewan Rakyat.

46. (1) Dewan Rakyat hendaklah mengandungi seratus lima puluh empat orang ahli yang dipilih.

(2) Daripada bilangan itu—

(a) seratus empat puluh sembilan orang ahli ialah dari Negeri-negeri dalam Malaysia seperti berikut—

- (i) enam belas orang ahli dari Johor;
- (ii) tiga belas orang ahli dari Kedah;
- (iii) dua belas orang ahli dari Kelantan;
- (iv) empat orang ahli dari Melaka;
- (v) enam orang ahli dari Negeri Sembilan;
- (vi) lapan orang ahli dari Pahang;
- (vii) sembilan orang ahli dari Pulau Pinang;
- (viii) dua puluh satu orang ahli dari Perak;
- (ix) dua orang ahli dari Perlis;
- (x) enam belas orang ahli dari Sabah;
- (xi) dua puluh empat orang ahli dari Sarawak;
- (xii) sebelas orang ahli dari Selangor;
- (xiii) tujuh orang ahli dari Trengganu; dan

(b) lima orang ahli dari Wilayah Persekutuan.”.

13. Perlembagaan adalah dengan ini dipinda dengan memasukkan yang berikut selepas sahaja Fasal (7) Perkara 113—

Pindaan bagi Perkara 113.

“(8) Walau apa pun peruntukan Fasal (7) Perkara ini tempoh bagi ulangkaji-ulangkaji di bawah Fasal (2) untuk yunit ulangkaji bagi Negeri-negeri Tanah Melayu yang dijalankan selepas lulusnya Akta Perlembagaan (Pindaan) (No. 2), 1973 hendaklah dikira mulai

dari persempadanan yang pertama bagi bahagian-bahagian-pilihanraya bagi yunit itu selepas sahaja lulusnya Akta itu.”.

Pindaan bagi
Perkara 116. 14. Perlembagaan adalah dengan ini dipinda dengan menggantikan perkataan-perkataan “Jadual Ketiga belas” yang terdapat dalam Fasal (2) Perkara 116 dengan perkataan-perkataan “Perkara 46 dan Jadual Ketiga belas”.

Pindaan bagi
Jadual
Ketiga belas. 15. (1) Perenggan (c) seksyen 2 dalam Jadual Ketiga belas kepada Perlembagaan adalah dengan ini dipinda dengan—

(a) menggantikan perkataan-perkataan “bilangan pemilih² dalam tiap² satu bahagian-pilihanraya patut-lah lebeh kurang sama banyak-nya di-seluruh yunit ulangkaji” dengan perkataan-perkataan “bilangan pemilih-pemilih dalam tiap-tiap satu bahagian-pilihanraya dalam sesuatu Negeri patutlah lebih kurang sama banyaknya”; dan

(b) memotong semua perkataan selepas sahaja perkataan-perkataan “luas-nya bahagian²-pilihanraya itu patut-lah di-beri pertimbangan”.

(2) Maka hendaklah dimasukkan seksyen baharu 3A yang berikut selepas sahaja seksyen 3 dalam Jadual Ketiga belas—

“3A. Bagi maksud-maksud Bahagian ini, dalam apa-apa ulangkaji mengenai bahagian-bahagian-pilihanraya bagi maksud pilihanraya bagi Dewan Rakyat, Wilayah Persekutuan hendaklah dikira sebagai suatu Negeri.”.

BAHAGIAN III

AM

Ulangkaji
di bawah
Perkara 113. 16. (1) Walau apa pun yang terkandung dalam Fasal (2) Perkara 113 dalam Perlembagaan, Suruhanjaya Pilihanraya hendaklah dengan seberapa segera yang boleh selepas lulusnya Akta ini menjalankan ulangkaji mengenai pembahagian Negeri-negeri Tanah Melayu kepada bahagian-bahagian-pilihanraya dan mengesyorkan apa-apa perubahan yang difikirkannya perlu untuk mematuhi peruntukan-peruntukan Akta ini dan peruntukan-peruntukan Perkara 46 dan Jadual Ketiga belas kepada Perlembagaan, sebagaimana dipinda oleh Akta ini.

Perkara

Pindaan

42

- ... (a) Dalam Fasal (1) masukkan selepas sahaja perkataan "mahkamah-tentera", perkataan-perkataan "dan segala kesalahan yang dilakukan dalam Wilayah Persekutuan";
- (b) Dalam Fasal (2) masukkan selepas sahaja perkataan "mahkamah-tentera", perkataan-perkataan "atau oleh sesuatu mahkamah sivil yang menjalankan bidangkuasa dalam Wilayah Persekutuan";
- (c) Dalam Fasal (3) tambah yang berikut diujung Fasal itu—
"Bagi maksud Fasal ini, Wilayah Persekutuan hendaklah disifatkan sebagai suatu Negeri.";
- (d) Dalam Fasal (10) masukkan selepas sahaja perkataan-perkataan "Melaka atau Pulau Pinang", perkataan-perkataan "atau Wilayah Persekutuan";
- (e) Tambah suatu Fasal baru (11) seperti berikut—
"(11) Bagi maksud Perkara ini maka hendaklah ditubuhkan suatu Jumaah Pengampunan bagi Wilayah Persekutuan dan peruntukan-peruntukan Fasal-fasal (5), (6), (7), (8) dan (9) Perkara ini hendaklah dipakai *mutatis mutandis* bagi Jumaah Pengampunan di bawah Fasal ini kecuali bahawa sebutan mengenai 'Raja atau Gabnor' hendaklah ditafsirkan sebagai sebutan mengenai Yang di-Pertuan Agong dan sebutan mengenai 'Ketua Menteri Negeri itu' hendaklah ditafsirkan sebagai sebutan mengenai Menteri yang bertanggungjawab bagi Wilayah Persekutuan."

97

... Dalam Fasal (3)—

- (a) masukkan selepas sahaja perkataan-perkataan "mengikut undang² Negeri" perkataan-perkataan "atau mengenai Wilayah Persekutuan, mengikut undang-undang persekutuan";
- (b) masukkan selepas perkataan-perkataan "undang² Negeri" di hujung ayat itu, perkataan-perkataan "atau undang-undang persekutuan, mengikut mana yang berkenaan".

Jadual Ke-sembilan

Dalam Senarai Persekutuan gantikan butiran 6 (e) dengan yang berikut—

- "(e) Kerajaan dan pentadbiran Wilayah Persekutuan termasuk hukum Syarak di dalamnya setakat yang sama seperti yang diperuntukkan dalam butiran 1 dalam Senarai Negeri.";

Dalam Senarai Negeri—

- (a) masukkan di permulaan butiran 1 perkataan-perkataan "Kecuali mengenai Wilayah Persekutuan,";

Perkara

Pindaan

- (b) masukkan di permulaan butiran 2 perkataan-perkataan "Kecuali mengenai Wilayah Persekutuan,";
- (c) masukkan di permulaan butiran 3 perkataan-perkataan "Kecuali mengenai Wilayah Persekutuan,";
- (d) gantikan perkataan-perkataan "ibu kota persekutuan" yang terdapat dalam butiran 4, dengan perkataan-perkataan "Wilayah Persekutuan";
- (e) masukkan di permulaan butiran 5 perkataan-perkataan "Kecuali mengenai Wilayah Persekutuan," dan potong perkataan-perkataan "kechuali di-ibu kota persekutuan" dalam butiran 5 (a).

(2) Apa-apa laporan dan syor-syor yang disedia atau dikemukakan oleh Suruhanjaya Pilihanraya menurut Perkara 113 (2) dan seksyen 8 dalam Jadual Ketiga belas kepada Perlembagaan tidaklah, apabila Akta ini diluluskan, mempunyai apa-apa kuatkuasa atau kesan dan kehendak-kehendak seksyen-seksyen 9 hingga 12, termasuk keduanya, dalam Jadual Ketiga belas tidaklah dipakai bagi laporan atau syor-syor itu.

17. Mengikut seksyen 12 dalam Jadual Ketiga belas kepada Perlembagaan, syor-syor Suruhanjaya Pilihanraya berikutan dengan ulangkaji yang dijalankan menurut seksyen-kecil (1) seksyen 16 Akta ini tidaklah menyentuh manamana pilihanraya bagi Dewan Rakyat atau sesuatu Dewan Negeri sehingga pembubaran yang pertama bagi Parlimen atau Dewan Negeri itu, mengikut mana yang berkenaan, yang berlaku pada atau selepas tarikh yang dinyatakan dalam perintah di bawah seksyen 12 dalam Jadual yang tersebut di-atas.

Kesan
laporan
ulangkaji.

JADUAL
(Seksyen 11)

PINDAAN-PINDAAN BERBANGKIT KEPADA PERLEMBAGAAN

Perkara	Pindaan
1 ...	(a) Dalam Fasal (3) masukkan sebelum sahaja perkataan-perkataan "Wilayah ² bagi tiap ² satu Negeri" perkataan "Tertakluk kepada Fasal (4)"; (b) Tambah Fasal baru (4) yang berikut— " (4) Wilayah bagi Negeri Selangor tidaklah termasuk Wilayah Persekutuan yang ditubuhkan di bawah Akta Perlembagaan (Pindaan) (No. 2), 1973."
3 ...	Masukkan suatu Fasal baru (5) seperti berikut— " (5) Walau apa-apa jua dalam Perlembagaan ini, Yang di-Pertuan Agong hendaklah menjadi Ketua ugama Islam dalam Wilayah Persekutuan; dan bagi maksud ini Parlimen boleh dengan undang-undang membuat peruntukan-peruntukan bagi mengadakan peraturan mengenai hal-ehwal ugama Islam dan bagi menubuhkan suatu Majlis untuk menasihatkan Yang di-Pertuan Agong mengenai perkara-perkara berhubung dengan ugama Islam."
11 ...	Dalam Fasal (4) masukkan selepas sahaja perkataan-perkataan "Undang ² Negeri", perkataan-perkataan "dan mengenai Wilayah Persekutuan, undang-undang persekutuan".